

## طالب "شرطة" يطلق الرصاص في إشارة مرور بالمحلة



السبت 5 ديسمبر 2015 12:12 م

تداولت صفحات النشطاء على مواقع التواصل اليوم السبت، صورة طالب في كلية الشرطة يدعى "أحمد عماد الدميري"، قام بإطلاق الرصاص من مسدسه على مواطنين في إشارة مرور بالمحلة والتشاجر معهم □  
وبحسب ناشطين أصاب إطلاق النار 3 مواطنين بجروح كبيرة، وتم إحالة الطالب إلى النيابة العامة التي باشرت التحقيق وأمرت بالإفراج عنه، وإخلاء سبيله بكفالة مالية".  
وعن الواقعة كتب الناشط عمرو صلاح الدين: "اللي في الصورة ده شاب اسمه أحمد عماد الدميري، نموذج لشباب مصري محدود الإمكانيات العقلية، متأخر دراسياً، ذكائه لا يتعدى ذكاء علبة كشري فاضية".  
وأضاف: "أحمد، فشل في دراسته، ملقأش حتى معهد سنتين يلمه، راح لأبوه، عماد باشا الدميري، قاله يا بابا أنا عايز أدخل كلية الشرطة □  
بابا كلم عمو اللوا شكري عشان ينجح أحمد في إمتحانات اللياقة و الهيئة".  
وتابع: "المشكلة إن أحمد طول عمره بيشد بودره، و هيتقفش لو عمل اختبارات الدم و البول، فعمو شكري قال لعماد باشا 'هنسلكه بخمسين باكو متخفش".  
وأوضح: "أحمد نجح في كل الامتحانات، حتى اختبار رسم خط بين الكلمات و الصور، مع إنه كان اختبار صعب و التحدي كان كبير، و مع إنه وصل كلمة جحش بصورة ربطة فجل، و كلمة بني آدم بصورة ظابط شرطة، بس عدى و نجح و بدأ مشوار صناعة ضابط شرطة مصري نموذجي".  
وقال صلاح الدين: "بس المشوار مش سهل، أحمد كان سايق عربيته، و كبس على عربيات تانية في الشارع، قفل و كسر و رمى عليهم، و لما معجهمش سيلهم بالدين و بالميتين و العايشين، فالعالم الوسخه اتخانقوا معاه، أحمد خاف، مش على نفسه، لأ، على كرامة الوزارة اللي هيشغل فيها، طلع سلاحه، و ضرب تلاته بالنار".  
وشدد: "الأوساخ عملوا ضده محضر، و عشان هما أوساخ، و عشان إحنا شعب ابن وسخه ميستاھلش يعيش أصلاً، و عشان إحنا عايشين عالة على وزارة الداخلية، حماده خد إخلاء سبيل عشان مستقبله ميضعش، خصوصاً إنه طالب مثالي و بذرة لضابط الشرطة النموذجي في عهد السيد المشير هاني شاكر".